

KONTROLLUTVALET I STRANDA KOMMUNE

MØTEBOK

Møtedato 17.11. 2010 kl. 16.10

Møtestad: Kalvehagen, Storfjord kulurhus

Møtet vart leia av: Inge Gjærde

Elles til stades: Per Berge, Hildegunn Brune og Arne Ola Stavseng
= 4 voterande

Kari Johansen møtte ikkje.

Frå kontrollutvalsekretariatet møtte:

Dagleg leiar Harald Rogne

Frå kommunerevisjonen møtte:

Dagleg leiar Kjetil Bjørnsen og revisjonsrådgjevar Kurt Løvold

Frå Stranda Kommune møtte ordførar Frank Sve og rådmann Ann Kristin Langeland.

Det kom fram merknader til innkallinga frå Per Berge. Desse gjekk ut på at saksdokument gjeldande sak 18/10 var seint utsendt. Leiaren orienterte om bakgrunnen for dette. Orienteringa gjekk ut på at saksdokumenta ikkje kunne sendast ut før høyringsuttalane til rapporten var på plass for eventuell innarbeiting i rapporten. Med sikte på ei behandling av forvaltningsrevisjonsrapporten i kommunestyret i desember, måtte det gjerast eit val med omsyn til kven som skulle ha mest tid til førebuing – kontrollutvalet eller kommunestyret. Leiaren viste også til at sjølv rapporten (høyringsutkastet) var sendt kontrollutvalet i god tid før møtet.

SAK 17/10 GODKJENNING AV MØTEBOK FRÅ MØTE 18. JUNI 2010

Per Berge reiste spørsmål om innkalling av varamedlem til møtet 18. juni. Dagleg leiar orienterte om at innkalling med saksdokument blir sendt 1. varamedlem samtidig som til medlemmane. I dette høvet hadde 1. varamedlem meldt forfall på eit tidspunkt då det var vanskeleg å kalle inn 2. varamedlem.

Kontrollutvalet sitt samrøystes vedtak:

Møtebok frå møte 18.juni 2010 blir godkjent.

SAK 18/10**FORVALTNINGSREVISJONSRAPPORT NR. 08/2010 – ANALYSE AV
KOMMUNEN SI LÅNEGJELD VURDERT OPP I MOT ØKONOMISK BEREKRAFT
OG NØDVENDIG TENESTEPRODUKSJON**

Innstilling datert 17.11.2010 frå kontrollutvalsekretariatet.

Kontrollutvalet si samrøystes innstilling:

1. Kommunestyret tek forvaltningsrevisjonsrapport nr. 08/10 til orientering.
2. Kommunestyret ber om at dei problemstillingane som rapporten tek opp blir gitt nødvendig prioritet. Dette gjeld også dei utfordringane og problemstillingane som må finne sin konklusjon gjennom politiske vedtak, mellom anna:
 - a) Innarbeide konsekvensane av kapitalkostnadene som gjeld planlagte investeringar i økonomiplanperioden og konsekvensane av redusert meirverdiavgiftskompensasjon, slik at ein har ein økonomiplan i reell balanse.
 - b) Vurdere jamnlege stresstestar på finansutgiftene for å halde seg oppdatert på risiko og mulige meirutgifter.
 - c) Det bør vurderast å gjere risikoanalyser knytt til økonomi i kommunale føretak og kommunale selskap.

SAK 19/10**BUDSJETT STRANDA KONTROLLUTVAL 2011**

Saksdokument datert 17.11.2010 frå kontrollutvalsekretariatet

Kontrollutvalet sitt samrøystes vedtak:

Kontrollutvalet ber om at utvalet si godtgjersle og utgifter til kurs, oppdatering og reiser blir innarbeidd i kommunen sitt ordinære budsjett for 2011. Utvalet reknar med desse kostnadene:

1. Møte- og leiargodtgjersle blir sett i samsvar med vedteke reglement. Det er rekna med 5-6 møte
2. Kurs- og reiseutgifter blir stipulert til ca kr 15. 000,-.

Inge Gjærde
leiari
(sign.)

Per Berge
medlem
(sign.)

Arne Ola Stavseng
medlem
(sign.)

Hildegunn Brune
medlem
(sign.)